



儒

藏



精華編二一冊下
集部

儒藏



北京大學《儒藏》編纂與研究中心

圖書在版編目(CIP)數據

儒藏精華編.二一一：全二冊/北京大學《儒藏》編纂與研究中心編.—北京：北京大學出版社，2018.6

ISBN 978-7-301-11929-7

I. ①儒… II. ①北… III. ①儒家 IV. ①B222

中國版本圖書館CIP數據核字（2018）第046930號

書名	儒藏（精華編二一一）（上下冊） RUZANG
著作責任者	北京大學《儒藏》編纂與研究中心 編
責任編輯	王 應
標準書號	ISBN 978-7-301-11929-7
出版發行	北京大學出版社
地 址	北京市海淀區成府路205號 100871
網 址	http://www.pup.cn 新浪微博：@ 北京大學出版社
電子信箱	dianjiwenhua@126.com
電 話	郵購部62752015 發行部62750672 編輯部62756449
印 刷 者	北京中科印刷有限公司
經 銷 者	新華書店 787毫米×1092毫米 16開本 96.25印張 932千字 2018年6月第1版 2018年6月第1次印刷
定 價	1200.00元（上下冊）

未經許可，不得以任何方式複製或抄襲本書之部分或全部內容。

版權所有，侵權必究

舉報電話：010-62752024 電子信箱：fd@pup.pku.edu.cn

圖書如有印裝質量問題，請與出版部聯繫，電話：010-62756370



國家出版基金項目

教育部哲學社會科學研究重大課題攻關項目



「十一五」國家重點圖書出版規劃項目·重大工程出版規劃
國家社會科學基金重大項目
北京大學「九八五工程」重點項目



《儒藏》精華編第二一冊

集部

下冊

臨川先生文集(卷五十一至卷一百)〔北宋〕王安石

.....

臨川先生文集卷第五十一

外制

樞密院編脩周革轉官制^①

勅某：②語曰「前事不忘，後事之師」也。今吾樞密之府，自祖宗以至於今，不啻百年。捍患持危應變之大計，與夫將相論議之臣密謀要策有補於世者，皆具在此。而文書貿亂，淆雜而無紀，亦何以待後事乎？故擇能臣使序次焉。而爾以才稱，實當其任。今遷爾位，唯是勉哉！可。③

屯田員外郎任迥等加勳制

勅某等：朕獲休享于神，而嘉與在位同其福祿。爾等並由材選，列在郎位。相時釐事，能勵厥勤。甄序有差，往其祗服。可。

張慎修等改官制^④

勅某等：⑤士之選於吏部者多矣，以貌

①「制」，龍舒本無此字。此篇與下篇原總目合為一題，

曰「周革轉官任迥等加勳制二道」。

②「勅某」，龍舒本無此二字。

③「可」，龍舒本無此字。

④「制」，龍舒本無此字。此篇與下篇原總目合為一題，曰「張慎修徐師回等改官制二道」。

⑤「勅某等」，龍舒本無此三字。

以言而取，吾皆不足以得之。^①此吾所以推耳目之任，而付之刺舉之臣，使各察其所部，而以賢才告上。今爾等從政于外，而爲刺舉者所稱，故吾召見于庭，而秩以省寺之官。往其勉思所以事君，無使稱爾者受不任之咎。可。^②

徐師回等改官制^③

勅某等：^④《詩》曰：「不解于位，民之攸墜。」蓋吏能夙夜不懈於其職事，以無過失，然後民得以服勤，而有勸功樂業之意。吾所以制爲祿位，以待天下之吏，以時論其功狀而進退之，凡以爲民也。爾等並列於朝，^⑤而久於其職。序遷爾位，惟是勉哉！可。^⑥

磨勘轉官制二道^⑦

勅某等：^⑧有司考爾等之伐閱，而揚爾等於朝廷。朕親覽焉，皆應遷法。夫命官賦祿之事，朕非輕之也。維以章有德，序有功，名在審官，則三歲而一遷，亦維以閔夫職事之勞，而勉之盡力。爾等勿謂名器之

- ①「吾」，龍舒本作「而」。
- ②「可」，龍舒本無此字。
- ③「制」，龍舒本無此字。
- ④「勅某等」，龍舒本無此三字。
- ⑤「並」，龍舒本作「久」。
- ⑥「可」，龍舒本無此字。
- ⑦此二篇爲龍舒本卷十三《磨勘轉官三道》之第二、第三道，此篇接第一道後。
- ⑧「勅某等」，龍舒本無此三字。

可計日以自取也，而無報上之意焉。可。^①

二

勅某：^②虞以九載黜陟庶官，周以三歲誅賞群吏。其爲法異，而勸沮之意同。爾之積功，實應遷法。序進厥位，維以勸能。《書》不云乎：「德懋懋官，功懋懋賞。」爾則善也，^③朕何愛焉？可。^④

明堂宗室加恩制^⑤

勅某：^⑥朕既肆祀於明堂，而大賚以布神之福。爾列名屬籍，序位內朝，肅雖在庭，克相釐事。以差受寵，其往懋哉！可。^⑦

皇姪孫左屯衛大將軍登州防禦使世永改隴州防禦使制^⑧

勅：朕永惟太祖皇帝德加於後世博矣，而諸孫爵位莫有顯者，甚非所以惇叙九族，承宗廟之意也。具官某，躬率德義，克承厥休。方將營衛之屯，而領兵防之任。

①「可」，龍舒本無此字。

②「勅某」，龍舒本無此二字。

③「也」，龍舒本作「懋」。

④「可」，龍舒本無此字。

⑤此篇爲龍舒本卷十三《皇親叔敖轉官加勳二》之第二道。

⑥「勅某」，龍舒本無此二字。

⑦「可」，龍舒本無此字。

⑧「制」，龍舒本無此字。此篇與下兩篇原總目合爲一題，曰「皇姪孫世永改隴州防禦使皇姪從古登州防禦使皇侄曾孫令磋右千牛衛大將軍制三道」。

其正使號，稱朕志焉。可。^①

皇姪右衛大將軍蘄州防禦使從古登州防

禦使制

勅：朕選於近屬，以治親親，唯賢與能，宜在此位。具官某，躬率德善，自昭于時。以選攝事，久勤不懈。其遷使號而正其職服之名焉。往踐寵榮，愈思慎毖。可。

皇姪曾孫太子右內率府率令磋右千牛衛

將軍制

勅某：治天下自人道始，而以治親爲先務。爾序于屬籍，率履不違。遷率東宮，十年於此矣。進踐祿次，往其欽承。可。

鄭穆太常博士制^②

勅某：^③士之著籍審官者，雖在疏逖，猶三歲而一遷，又況以才被選、有職事於禁門之內者哉？嘉爾言行，發聞于世。膺此恩典，往其欽承。可。^④

① 「可」，龍舒本無此字。

② 此題龍舒本作「鄭穆可太常博士」。此篇與下六篇原總目合爲一題，曰「鄭穆錢袞周豫楊南仲姚原道晏崇讓劉溫並太常博士制七道」。

③ 「勅某」，龍舒本無此二字。

④ 「可」，龍舒本無此字。

錢袞授太常博士制^①

勅某：②太常，古宗伯之官，而博士掌其掾法，增損因革，③皆合於事。久而不失先王之禮意，然後可以爲能。其任固已重矣。今雖職廢，而非文學出仕，則不得以名官。爾以叙進，而膺此選，其尚能勉以求稱哉！可。④

集賢校理周豫太常博士餘如故制

勅某：籍於審官之士，雖身在外，有司會其伐閱，歲滿輒遷，況於以才進選而列職祕近者哉？爾維峻良，膺此恩典。往其祇勵，以服寵榮。可。

楊南仲太常博士制

勅某：爾文學藝能，見稱於世。服官惟謹，克以有勞。丞于太常，是謂華選。遷秩博士，往其欽哉！可。

姚原道太常博士制

勅某：爾以藝文出仕，而才諳見稱。備任遠方，有勞當錄。博士之選，往其欽哉！可。

①「制」，龍舒本無此字。

②「勅某」，龍舒本無此二字。

③「革」，龍舒本作「造」。

④「可」，龍舒本無此字。

晏崇讓太常博士制

勅某：爾名臣之子，行義修飭。能以藝文自奮，而於職事有勞。序遷厥官，其往祇服。可。

劉溫太常博士制

勅某：爾丞祕書三年矣，故稽爾功狀，秩于太常。爾行義才能，有稱於世。無曰官小，往其欽哉！可。

柴餘慶國子博士制

勅某：爾於爲吏，才敏見稱。會課有司，當得遷位。博士之選，往其勉哉！可。

邵亢太常丞制^①

勅某：^②古者尚賢而輕爵，好藝而賤祿，所以士樂羞其行而爲時用也。爾列于東宮之職事，三年於此矣。群牧之任，開封之選，皆能稱職，遂佐三司。其序爾功，進官一等。若爾之藝文政事，吾豈有愛於爵祿乎哉？往懋厥修，以需其後。可。^③

① 此題，龍舒本作「省判邵亢可太常丞」。
② 「勅某」，龍舒本無此二字。
③ 「可」，龍舒本無此字。

蔡說殿中丞制^①

勅某：宗祀之成，慶覃疏逖。爾久於常選，丁此殊恩。甄序有榮，往其祇服。可。

晁仲熙殿中丞制

勅某：爾以謹潔，能不失其世守。故積功久次，致位於朝。往佐一州，又應遷法。愈其懋勉，以稱褒嘉。可。

王元甫殿中丞制

勅某：吏之有籍於審官者，三歲一遷，所以勸勞也。爾以才備任，積課應條。往

服命書，愈其思勉。可。

高應之國子博士張侔太常丞范褒殿中

丞制^②

勅某等：爾等親吾民于外，而吾使有司會課于中，皆能有勞，以應遷法。夫上之爵賞無私德，惟以治人。臣能率職以治人，則可謂能報上矣。各踐爾位，惟時勉哉！可。

① 此篇與下兩篇原總目合為一題，曰「蔡說晁仲熙王元

甫並殿中丞制三道」。

② 此題下，原總目有「二道」二字。

胡掖殿中丞制

勅某：汝官在東宮，而得列於朝廷之位。有司奏課，當以時遷。夫祿所以等功，位所以序德。朕所以命汝者，每加厚矣。汝所以報稱者，亦可以勉哉！可。

王介秘書丞制^①

勅某：朕設科以來，異能之士，而親發策問之。爾言不阿，而學問多中乎義理。其遷厥位，以嘉爾之能言。夫士無不能，有不為爾。若爾之修潔有志，而濟之以明敏之才，惟所施焉，將無不至。況於一官之小，豈以不稱為患也哉？可。

毛箴秘書丞制^②

勅某：③古人有言曰：「無常產而有常心者，唯士為能。」夫所謂士者，不以無常產而變易其心，又奚俟於爵賞而後勸哉！然士之有功則爵賞加焉，天下大公之法也。爾以進士起，④而序於王官之列，出長一邑之民，有勞而無罪，三年於此矣。其使遷秩，以信大公之法。朝廷之位，亦加顯矣。所以為士者，可不勉哉！可。⑤

① 此篇與下四篇原總目合為一題，曰「王介毛箴許懋傳顏陳舜俞句士良並秘書丞制五道」。

② 此題，龍舒本作「毛箴可秘書丞」。

③ 「勅某」，龍舒本無此二字。

④ 「以進士起」，中華校排本校據繆氏本謂當作「以進士起家」。

⑤ 「可」，龍舒本無此字。

許懋傳顏並祕書丞制

勅某：爾雖任職于外，而功罪之籍，實在審官之府。以時會課，於法當遷。夫三歲而序一官，在會之所同。然材實行治，不有以稱其位，則孰以爲非苟得也？爾以藝文自奮，而由稱舉以至於此，其知之矣，可不勉哉！可。

陳舜俞祕書丞制

勅某：爾以賢良應詔，朕嘗親冊而秩以京官。幕府三年，序遷一等，此特有司之常法爾，豈所以待異能之士哉？往其勉之，以俟時用。可。

句士良祕書丞制

勅某：爾佐著作于祕書三年矣，審官稽狀，當進一官。惟爾以文藝起家，而以吏能爲邑。往欽新命，其克勉哉！可。

國子監直講商傳光祿寺丞制^①

勅某：^②爾讀群經，^③而能通知其義，故選於衆，以教國子。有司稽任，當以勞遷。往服爾官，愈其思懋。可。^④

① 「制」，龍舒本無此字。此篇與下三篇原總目合爲一

題，曰「商傳張璘王岫王佺並光祿寺丞制四道」。

② 「勅某」，龍舒本無此二字。

③ 「爾」下，龍舒本有「博」字。

④ 「可」，龍舒本無此字。